



tešanjski BILTEN

Interno informativno glasilo, Godina XV, juni 2010. Broj 46



U ovom broju:

Usvojen Izvještaj o izvršenju Budžeta za 2009. godinu

Općina Tešanj i Međunarodna finansijska korporacija (IFC) potpisale Sporazum o saradnji

Izgradnja infrastrukture

Posjeta privrednicima

Proljetno uređenje grada

Radovi na Starom gradu

Aktivnosti mladih

juni/lipanj 2010.

ČESTITKA NA ODLIČNO OSMIŠLJENOM BILTENU BR. 45

Poštovana redakcijo,

upućujem Vam iskrene čestitke u povodu štampanja Biltena br. 45, putem kojeg ste svim građanima Općine Tešanj, kroz pojedinačna obilježja mjesnih zajednica pružili, slikom i riječju, priliku da jedni o drugima više spoznaju.

Ovakav vid informisanja nam svima omogućava bliži kontakt, nudi i prezentira šta je dobrog među nama urađeno, koliko smo pojedinačno uspješni u svojim mjesnim sredinama!!!

U isto vrijeme lepezasto i na jedan diskretan način, podacima upućuje čitatelja da sazna i ono što bi bilo dobro da uradi za svoju mjesnu zajednicu u vremenu koje je pred nama, kako bi se pozitivno oplemenila pojedinačno svaka stopa tešanskog kraja.

Direktorica JU "SRC" Tešanj
Emina Ajanović



tešanjski BILTEN

Interno informativno glasilo Općine Tešanj



Izdaje

OPĆINA TEŠANJ

Redakcija

Edina Kadušić, Ferid Mustafić, Suad Huskić,
Kanita Gredelj i Bahrudin Noćić

Glavni i odgovorni urednik

Edina Kadušić

Adresa Redakcije

Općina Tešanj, trg Alije Izetbegovića 11, 74260 Tešanj

Telefoni 032/650-341 i 032/650-022 (lokal 107),

Fax 032/650-220

E-mail press@opcina-tesanj.ba

Tiraž 2.000

Štampa AD print Jelah

CALL CENTAR 72

NOVA USLUGA OPĆINSKE ADMINISTRACIJE

Novom uslugom CALL CENTAR SISTEM 72 općinska administracija nudi mogućnost svim građanima da imaju na raspolaganju telefonski broj, pristup preko web portala kao i e-mail adresu na koje mogu tokom 24 sata dostaviti svoje prijedloge, primjedbe, zapažanja, žalbe na sve događaje i pojave sa kojima su susretu na području naše općine.

Općina Tešanj preuzima obavezu da u roku od 72 sata (za početak) odgovori podnosiocu zahtjeva. Prije svega, u ovaj projekat u punom kapacitetu će biti uključene sve ustanove i preduzeća - kojima je osnivač Općina Tešanj ili većinski vlasnik. Cilj nam je podići na veći nivo usluge koje općinska administracija, javna preduzeća i ustanove pružaju našim građanima, ali i nivo odgovornosti svih uposlenih u ovim područjima podići na viši nivo. Naravno, želimo da građani sami sudjeluju u tome, da brigu o stanju u našoj zajednici u određenim područjima preuzmu i građani, kao što je pitanje sigurnosti, neodgovorno odlaganje otpada, nelegalne akcije, korupcija...

Građani će se identifikovati prilikom korištenja ove usluge, ali će identitet građana biti tajan i bez pojedinačne saglasnosti neće biti dalje upotrebljavan identitet bilo koga ko je podnio prijavu. Usluga je dostupna od aprila ove godine. Sva pitanja koja se rješavaju u upravnim postupcima neće biti predmet ove usluge, nego prvenstveno pitanja iz komunalnih oblasti te neželjenih ponašanja javnih djelatnika.

Kako koristiti uslugu CALL CENTAR SISTEM 72?

Uslugu možete koristiti na jedan od sljedećih načina:

1. Telefonskim pozivom na broj 032/650-800

U toku radnog vremena općinske administracije javiti će vam se kontakt osoba, koja će saslušati i zabilježiti vaše podatke, a po rješavanju vašeg zahtjeva odgovoriti vam na način kako ste vi to tražili,

Poslije radnog vremena dostupan je automatski uređaj koji će vam dati potrebne informacije kako ostaviti poruku. Sljedeći radni dan vaša poruka će biti saslušana i obrađena.

2. SMS porukom na broj 032/650-800

Pošaljite SMS poruku na broj telefona sa vašim podacima i opisom problema, primjedbom koju imate i naši službenici će zahtjev obraditi i pravovremeno vas obavijestiti.

3. Web portal Općine www.opcina-tesanj.ba

Pristupite zvaničnoj stranici Općine Tešanj, izaberite E-uprava, a potom Call centar, unesite tražene podatke u predviđena polja i pritisnite dugme pošalji. Naši službenici će zahtjev obraditi i pravovremeno vas obavijestiti.

4. Slanjem e-maila na call.centar@opcina-tesanj.ba

Pošaljite e-mail na navedenu adresu sa vašim podacima i opisom problema, primjedbom koju imate i naši službenici će obraditi vaš zahtjev i pravovremeno vas obavijestiti.

Napomena: svi telefonski pozivi, kao i uneseni podaci se snimaju u bazu podataka i bit će korišteni isključivo za potrebe općinske administracije.

IZ RADA OPĆINSKOG VIJEĆA U PRVIH ŠEST MJESECI 2010. GODINE

U 2010. godini, do 1. juna održane su 4 redovne sjednice Vijeća, a tematska 17. sjednica (Izveštaji o radu i poslovanju javnih preduzeća i ustanova) je prekinuta i uskoro će biti nastavljena (traženi dodatni podaci).

Između ostalih, u prvih šest mjeseci donesene su odluke:

1. Odluka o komunalnom redu i sanitarnom minimumu;
2. Odluka o organizaciji i sigurnosti saobraćaja na cestama;



3. Odluka o načinu rasporeda budžetskih sredstava za podršku realizaciji kapitalnih projekata u 2010.;

4. Odluka o usvajanju Liste kapitalnih projekata iz preostalih sredstava Budžeta Općine Tešanj za 2010. godinu;

5. Odluka o usvajanju Programa novčanih poticaja za poljoprivrednu proizvodnju u 2010. godini;

6. Odluka o fazama realizacije projekata vodosnabdijevanje mjesnih zajednica: Oraš Planje, Dobropolje-Mekiš, Trepče - Medakovo i Pousorja";

7. Odluka o usvajanju i provođenju regulacionog plana Turističko-rekreativne zone "Kiseljak" Tešanj;

8. Odluka o pristupanju izrade "Izmjena i proširenje obuhvata Urbanističkog plana naseljenog mjesta Tešanj";

9. Odluka o usvajanju Strategije podrške mladima općine Tešanj 2010-2015. godina;

10. Odluka o upućivanju pomoći stradalim na Haitiju.

USVOJEN IZVJEŠTAJ O IZVRŠENJU BUDŽETA ZA 2009. GODINU

Na 18. sjednici Općinskog vijeća Tešanj, održanoj 31. maja 2010. godine usvojen je Izveštaj o izvršenju Budžeta Općine Tešanj za 2009. godinu.

Prihodi i primici Budžeta, sa planiranim prenesenim sredstvima iz ranijih godina, ostvareni su u visini od 9.383.381,40 KM, što je manje od planiranog obima za 5,6%, odnosno 556.618,60 KM u apsolutnom iznosu. Umanjeno ostvarenje je rezultat manjeg obima ostvarenja svih grupa prihoda i primitaka izuzev planiranog viška sredstava iz prethodne godine. Najveće umanjeno je zabilježeno na stavci Učešće mjesnih zajednica u finansiranju (namjenska sredstva) od 326.422,38 KM, što je i osnovni uzrok umanjenog ostvarenja kapitalnog dijela Budžeta.

Kada se na ostvarenje dodaju i prenesena sredstva za nerealizovane projekte po članu 2. Odluke o usvajanju Izveštaja o izvršenju Budžeta za 2008. godinu ostvarenje iznosi 10.311.447,14 KM, što je više od planiranih sredstava za 3,74%, odnosno 371.474,14 KM u apsolutnom iznosu.

Rashodi i izdaci Budžeta Općine Tešanj za 2009. godinu, bez prenesenih projekata iz 2008. godine, ostvareni su u visini od 8.948.734,29 KM, što je manje od planiranih sredstava za

RED. BROJ	VRSTA PRIHODA, PRIMITAKA I FINANSIRANJA	PLANIRANI IZNOS	OSTVARENI IZNOS	PROCENT OSTVARENJA
1a	Direktni porezi	2.020.000,00	1.887.589,48	93,45
1b	Indirektni porezi	3.880.000,00	3.807.311,01	98,13
2	Neporezni prihodi	2.288.000,00	2.194.566,10	95,92
3	Tekući grantovi	287.000,00	268.218,32	93,46
4	Kapitalne grantovi i primici	300.000,00	246.017,65	82,01
5	Učešće mjesnih zajednica u finansiranju	440.000,00	113.577,62	25,81
6	Prenesena sredstva (višak prihoda)	725.000,00	866.101,22	119,46
7	Prenesena sredstva za realizaciju prenesenih projekata	0,00	928.092,74	***
SVEGA:		9.940.000,00	10.311.474,14	103,74

Tabela 1. Pregled ostvarenja prihoda i primitaka po grupama

RED. BROJ	VRSTA RASHODA, IZDATAKA I OTPLATA KREDITA	PLANIRANI IZNOS	OSTVARENI IZNOS	PROCENT OSTVARENJA
1	Sredstva za bruto plaće i naknade	2.223.000,00	2.202.874,34	99,09
2.1.	Sredstva za materijal, en. i usluge - rashodi organa uprave	540.500,00	545.693,96	100,96
2.2.	Sredstva za materijal, en. i usluge - opštedruštvene potrebe	1.445.000,00	1.468.746,81	101,64
3	Tekući grantovi (transferi) i sredstva rezervi	2.715.200,00	2.633.438,73	96,99
4	Kapitalni grantovi (transferi) i izdaci	3.016.300,00	2.097.980,45	69,55
5	Preneseni projekti iz ranijih godina	0,00	621.221,84	***
SVEGA:		9.940.000,00	9.569.956,13	96,28

Tabela 2. Pregled ostvarenja rashoda i izdataka po grupama

9,97%, odnosno 991.265,71 KM u apsolutnom iznosu.

Kada se na ostvarenje dodaju i prenesena sredstva za nerealizovane projekte iz ranijih godina, ukupno ostvarenje rashoda i izdataka iznosi 9.569.956,13 KM, što je manje od pla-

niranih sredstava za 3,72%, odnosno 370.043,87 KM u apsolutnom iznosu. Budžetom je obezbjeđen nesmetan rad Organa uprave, finansiranje aktivnosti budžetskih korisnika i planiranih tekućih aktivnosti.

Kapitalni dio Budžeta je ostvaren u manjem obimu od planiranog prvenstveno zbog izostalog učešća mjesnih zajednica, a potom zbog nemogućnosti blagovremene realizacije pojedinih projekata, koji su zbog toga ugovoreni i preneseni u narednu godinu u ukupnoj visini od 727.560,99 KM.

Kada bi se u izvještaj uključila i ova prenesena sredstva, kapitalni dio budžeta bi bio ostvaren sa 93,67%.



OPĆINA TEŠANJ I MEĐUNARODNA FINANSIJSKA KORPORACIJA POTPISALE SPORAZUM O SARADNJI

Općina Tešanj i Međunarodna finansijska korporacija, član Grupe Svjetske banke (IFC) 17. maja su potpisali Sporazum o saradnji.

Sporazum su potpisali Općinski načelnik Fuad Šišić i Regionalni menadžer IFC-a Giovanni Daniele.

Ovom prilikom Općinski načelnik susreo se sa Menadžerom programa konkurentnosti za BiH Tarikom Šahovićem, Projektnim menadžerom IFC-a za BiH.

Cilj ovog projekta je pojednostavljenje i unapređenje administrativnih



postupaka, smanjenje troškova i rizika poslovanja za privredne subjekte i građanstvo, kao i poboljšanje poslovne klime u cilju privlačenja stranih investicija.

Posljednju godinu općinska administracija u Tešnju posebnu pažnju posvećuje racionalizaciji procedura. Ovaj projekat je logičan slijed - kroz ovaj projekat općinska administracija stiče određenu prednost u odnosu na druge, kazao je Općinski načelnik Fuad Šišić.

Rok za implementaciju projekta je 13 mjeseci, a ukupna vrijednost je 125.800 KM.

Inače, IFC (član Grupe Svjetske banke) je međunarodna organizacija s misijom promovisanja održivog ulaganja u privatni sektor u zemljama u razvoju. IFC pruža tehničku pomoć i savjetuje vlade i kompanije.

ODRŽANA PRVA RADIONICA U OKVIRU IFC PROJEKTA

U Sali Općinskog vijeća Tešanj održana je prva radionica u okviru IFC Projekta: Jačanje konkurentnosti na lokalnom nivou, na temu: "Priprema inventara administrativnih postupaka."



Edukaciji su prisustvovali Općinski načelnik Fuad Šišić, članovi radne grupe i službenici koji će učestvovati u realizaciji projekta. Predavač je bila Katarina Milanović, predstavnik IFC-a.

LOKALIZACIJA EVROPSKE UNIJE

Općinski načelnik je u aprilu potpisao sporazum sa holandskom organizacijom za razvoj u BiH (SNV) i Direkcijom za evropske integracije BiH (DEI) o realizaciji projekta LOKALIZACIJA EVROPSKE UNIJE. Cilj projekta je aktivnije uključivanje lokalnih zajednica u procesu evropskih integracija - izgradnja i jačanje kapaciteta općina, odnosno osposobljavanje državnih službenika na lokalnom nivou za proces evropskih integracija BiH. Projekat će trajati 3 godine.



POTPISAN MEMORANDUM O SARADNJI OPĆINA TEŠANJ I TESLIĆ I ZTC BANJA VRUĆICA

U petak, 4. juna u hotelu Kardial u Banja Vrućici potpisan je Memorandum o međusobnoj saradnji Općine Tešanj, Opštine Teslić i Zdravstveno-turističkog centra Banja Vrućica.

Ugovor su potpisali Načelnici općina Tešanj i Teslić Fuad Šišić i Savo Kasapović i direktor Zdravstveno-turističkog centra Goran Gojić.

Također, potpisan je i ugovor za otvaranje autobuske linije Tešanj - Banja Vrućica - Tešanj.

Potpisivanju Memoranduma su prisustvovali i savjetnik Općinskog načelnika općine Tešanj Izudin Turkeš, pomoćnik Općinskog načelnika Suad Huskić, predstavnici Udruženja penzionera općina Tešanj i Teslić, dr. Bogdanović (ZTC Banja Vrućica), kao i predstavnik firme A BUSS Reuf Mujčić.



Drago mi je da je inicijativa o saradnji krenula od turističkog centra. Na ovaj način se intenzivira saradnja - za početak, na polju turizma, a u nared-

nom periodu i na drugim poljima (vodovod, kanalizacija...), kazao je Načelnik opštine Teslić Savo Kasapović.



Potpisivanjem ovog Protokola proširit će se saradnja dvije općine, kao i otvaranje mogućnosti zajedničkog apliciranja za sredstva fondova EU. Nadam se da će građani općine Tešanj koristiti mogućnosti koje pruža Banja Vrućica, ali i da će građani opštine Teslić posjetiti turističke kapacitete koje nudi općina Tešanj, kazao je Općinski načelnik Fuad Šišić. Strane potpisnice Memoranduma

zajednički će sarađivati naročito na područjima: Razmjena znanja, iskustava, projekata i ideja kojima se podstiče turistički razvoj općina Tešanj i Teslić, Promocija i razvoj zajedničkih i komplementarnih turističkih ponu-

da, Uspostavljanje bolje saobraćajne i komunikacijske povezanosti Tešnja, Teslića i Banja Vrućice, Razvoj različitih projektnih ideja i razradi projektnih prijedloga za obezbjeđenje finansijske, stručne i druge pomoći domaćih i stranih institucija.

Svi potpisnici Memoranduma su zaključili da će ovaj Sporazum svima donijeti korist, a posebno korisnicima usluga.

Režim održavanja Svaki dan	Stanice/stajališta	Režim održavanja Svaki dan
Vrijeme u polasku		Vrijeme u povratku
08⁰⁰ – 13⁰⁰ – 18⁰⁰	Tešanj (Dom kulture)	09²⁵ – 14²⁵ – 19²⁵
08⁰³ – 13⁰³ – 18⁰³	Krndija (HIFA)	09²³ – 14²³ – 19²³
08⁰⁷ – 13⁰⁷ – 18⁰⁷	Marin Han	09¹⁸ – 14¹⁸ – 19¹⁸
08⁰⁹ – 13⁰⁹ – 18⁰⁹	Vukovo	09¹⁶ – 14¹⁶ – 19¹⁶
08¹⁰ – 13¹⁰ – 18¹⁰	Jelah	09¹⁵ – 14¹⁵ – 19¹⁵
08¹² – 13¹² – 18¹²	Mračaj	09¹³ – 14¹³ – 19¹³
08¹³ – 13¹³ – 18¹³	Potočani	09¹² – 14¹² – 19¹²
08¹⁴ – 13¹⁴ – 18¹⁴	Unkić	09¹¹ – 14¹⁰ – 19¹¹
08¹⁵ – 13¹⁵ – 18¹⁵	Kalošević	09¹⁰ – 14¹⁰ – 19¹⁰
08²⁵ – 13²⁵ – 18²⁵	Teslić (B. Vrućica)	09⁰⁰ – 14⁰⁰ – 19⁰⁰

FIRMA „HIFA GROUP“

Općinski načelnik Fuad Šišić sa saradnicima u utorak, 27. aprila posjetio je firmu za promet naftom i naftnim derivatima "HIFA GROUP", koja se već dvije godine zaredom nalazi na listi sto najuspješnijih firmi u BiH. Direktor firme Izudin Ahmetlić upoznao je Općinskog načelnika sa trenutnim aktivnostima, ali i planovima za naredni period - izgradnja administrativne zgrade u Tešnju. Općinski načelnik je obećao pomoć administracije koliko je moguće, te posebno istakao firmu HIFA GROUP, ne samo kao firmu koja uspješno vodi biznis, nego i kao pozitivan primjer firme koja je učestvovala i učestvuje u svim akcijama koje provodi lokalna zajednica.



POSJETA PRIVREDNICIMA U JABLANICI

Općinski načelnik Fuad Šišić sa saradnicima 21. aprila posjetio je i obišao privrednike u Jablanici - firmu za proizvodnju stolarije "Salkić" i Stolarsko-tapetarsku radnju "Salkić namještaj". Privrednici su Općinskog načelnika informisali o trenutnim aktivnostima, ali i planovima za naredni period. U razgovoru sa privrednicima, Općinski načelnik je obećao pomoć administracije koliko je moguće, ali i pomoć u koordinaciji sa višim nivoima vlasti kada je u pitanju, prije svega izgradnja autoputa i poticaji putem ministarstava.



SPORTSKI POLIGON U PILJUŽIĆIMA I PRIVREDNIK AHMET BRKA



Općinski načelnik Fuad Šišić sa saradnicima 11. maja posjetio je i obišao Sportski poligon u Piljužićima i privrednika Ahmeta Brku. Irfan Garić, predsjednik Udruženja JOM Jelah je upoznao Općinskog načelnika sa aktivnostima na projektu - Mini sportski poligon koji ovo Udruženje već nekoliko godina radi uz pomoć sredstava Općine, Kantona, Omladinske banke i još nekih izvora finansiranja. Osim terena za boćanje, šaha, dječije igraonice, terena za fudbal i odbojku, urađen je dio ograde i dio grafitnog zida. Za ovu godinu planiran je završetak postavljanja ograde i grafitnog zida, kao i priključak na električnu energiju, kazao je predsjednik Udruženja JOM Jelah. Općinski načelnik je mladima obećao pomoć, kao i svake godine, koliko bude moguće kako bi ovaj projekat dobio konačan izgled i istakao da je ovo dobar primjer poduzetnosti mladih ljudi koji su od neupotrebljivog terena uspjeli napraviti poligon gdje će mladi provoditi svoje slobodno vrijeme.




Ahmet Brka se već nekoliko godine bavi plasteničkim uzgojem jagoda, a posjeduje i voćnjake, kao i uzgoj drugih kultura. Poduzetnik Ahmet Brka i njegova firma trebala bi drugima poslužiti kao primjer uspješnog biznisa - kako na relativno malom prostoru uzgajati i održavati različite kulture koje se nadopunjuju, a uz to i zaraditi, kazao je Općinski načelnik.

RASKRSNICA JELAH


Zbog problema tehničkog rješenja na raskrsnici Jelah (putevi M4 R474) početkom 2009. godine održan je sastanak sa nadležnim za ovo pitanje.

Uz prisustvo predstavnika Direkcije cesta FBiH, kantonalnog Ministarstva, Općine Tešanj i MZ Jelah razgovaralo se o polaznim osnovama. Pokrenula se izrada projektne dokumentacije. Nakon završetka izrade dokumentacije, održana je nova rasprava krajem 2009. godine - izvršeno je doprojektovanje i trenutno je u toku revizija izvedbenog projekta. Ono što



tehničko rješenje nudi jeste semaforizacija

Što se tiče finansiranja radova na raskrsnici postoji podrška od strane Direkcije cesta FBiH, a tu je i podrška resornog kantonalnog Ministarstva. Rasterećenje saobraćaja uvođenjem novih saobraćajnica iz smjera Tešnja omogućit će smanjenje pritiska na samu raskrsnicu, a veće rasterećenje se može očekivati izgradnjom industrijske zone "Glinište", kojom je predviđena izgradnja saobraćajnice sa ceste R474 kod firme Alpina-Bromy, niz potok Radušica do Rosulja i izlazak na M4. Ipak, izgradnja ove saobraćajnice nije realna u kratkom roku, ali je svakako dio konačnog rješenja.



OKRETIŠTE DOLAC

U nedjelju, 18. aprila okončani su radovi na izgradnji autobusnog okretišta i stajališta za Srednjoškolski centar.

Novouređeni prostor je na raspolaganju prevoznicima, a Općina Tešanj je ponudila ugovore prevoznicima o mjesečnom zakupu za parking mjesta.



Izgradnjom ovog okretišta i stajališta riješen je dugogodišnji problem ostajanja autobusa na lokalnoj cesti koji su bili smetnja normalnom odvijanju saobraćaja.

TREĆA TRAKA BUKVA ZAVRŠENO ASFALTIRANJE I FAZE

U nedjelju, 6. juna 2010. godine završeno je asfaltiranje 450 metara dionice puta u industrijskoj zoni Bukva. Radi se o prvoj fazi izgradnje treće trake iz sredstava kapitalnih projekata budžeta Vlade ZDK. Izvođač radova je firma HS putevi, a cijena radova je oko 260 000 KM.



Izgradnja treće trake u Bukvi je u funkciji podrške privredi i rasterećenja saobraćaja u zoni industrije. Ove godine bi trebala biti nastavljena II faza, koja bi trebala biti završena do kraja godine, kazao je Općinski načelnik Fuad Šišić.

UREĐENJE TRGA NA ČARŠIJI

Završeno je uređenje - sanacija centralnog dijela Trga na Čaršiji u Tešnju.

Sanacija podrazumjeva zamjenu podloge novim granitnim kockama. Izvođač radova je Građevinska firma Elez, a finansijer je Općina Tešanj.



Vrijednost ovog projekta je 34.378 KM.

Na području općine Tešanj u toku je izgradnja pet vodovoda.

juni/lipanj 2010.

IZGRADNJA INFRASTRUKTURE

Na području općine Tešanj u toku je izgradnja pet vodovoda

MEDAKOVO-TREPČE

U završnoj fazi izdavanje odobrenja za građenje. U toku je rješavanje imovinsko-pravnih odnosa. Projekat je kandidovan za sredstva pristupnih fondova EU.

DOBROPOLJE-MEKIŠ

Krajem 2009. godine krenulo se sa radovima na izgradnji rezervoara R2 koji je u završnoj fazi. Očekivani



rok završetka radova je kraj juna (zavisi od vremenskih prilika). Izvođač radova je firma "HS putevi".

Slijedi izgradnja cjevovoda i pumpne stanice.

VODOVOD POUSORJE

Vodovod je pušten u probni rad u septembru 2009. godine i snabdijeva mjesne zajednice Miljanovci-Lončari, Novi Miljanovci i Piljužići pitkom vodom. Izvođač radova je bila firma "ŠF inženjering" iz Tuzle.



Vrijednost projekta je oko 2,5 miliona maraka. U toku su posljednje pripreme projekta za tehnički prijem, čime bi se stekli uslovi za predaju projekta JP "RAD".


DŽEMILIĆ PLANJE

Izgradnja rezervoara je završena. U toku je primopredaja radova. Izvođač radova je firma "INTER" Matuzići, a sredstva je obezbjedila Vlada ZDK u 2009. godini.



KANALIZACIJA ŠIJE

Izgradnja kanalizacionog kraka sa šahtovima radovi na izgradnji završeni. Izvođač radova je firma "INTER" Matuzići, a sredstva je obezbjedila Vlada ZDK u 2009. godini.



ORAŠ PLANJE

Projekat je u završnoj fazi, realizovano 80% radova (izgradnja rezervoara, rekonstrukcija postojećeg rezervoara sa primarnom mrežom).

U toku je rekonstrukcija izvorišta. Izvođač radova je firma "INTER" Matuzići, a sredstva je obezbjedila Vlada ZDK u 2009. godini.



IZGRADNJA POSLOVNO-STAMBENOG OBJEKTA "KATANGA"

Općinski načelnik Fuad Šišić i vlasnik firme *Hrvić gradnja* Vahdet Hrvić u srijedu, 5. maja potpisali su ugovor o Izgradnji poslovno-stambenog



objekta zv. Katanga. Ovo je treći projekat koji Općina Tešanj realizuje u

saradnji sa privatnim partnerima - prošle godine potpisani su ugovori sa firmom *Farex* za projekat Musala i firmom *BOSS* za otvaranje ljetne bašte na Starom gradu.

Na ovaj način Tešanj će dobiti novi izgled na samom ulazu u grad - Vrata Tešnja, ali i moderan poslovno-stambeni objekat, kazao je Općinski načelnik. Prema potpisanom ugovoru, firma *Hrvić gradnja* dužna je do kraja 31.12.2011. godine završiti gradnju zgradu i vanjsko uređenje.

Naš cilj je da Tešanj dobije jedan ljepši izgled grada, ali i da uposlmo što veći broj ljudi, kazao je Vahdet Hrvić.



U narednom periodu općinska administracija će biti angažovana na daljem uređenju Tešnja - Vrata 2, odnosno izradu Projekta izgradnje nove autobuske stanice.

NASTAVAK RADOVA NA REKONSTRUKCIJI EMINAGIĆA KONAKA

Dr. sc. Ismar Alagić, koordinator MDGF projekta za općinu Tešanj imao je radni sastanak sa izvođačima radova radi usaglašavanja završnih aktivnosti vezanih za unutrašnje uređenje i priključne instalacije na objektu Eminagića konak. U okviru Projekta Unapređenje kulturnog razumijevanja u BiH koji implementiraju tri UN organizacije u BiH (UNDP, UNE-

konačnoj namjeni do kraja 2010. godine, kada će općina Tešanj staviti na korištenje građanima Tešnja jedan multifunkcionalni prostor u okviru kojeg će biti smješteni zavičajni muzej, škola starih zanata i suvenirnica. U narednom periodu predstoje aktivnosti izrade mobilijara i ostalih unutrašnjih sadržaja prema realizovanom projektu. Tokom sastanka je istaknuto



SCO i UNICEF), a finansijski podržanog kroz MDGF fond od strane Vlade Kraljevine Španije, općina Tešanj je pristupila rekonstrukciji Eminagića konaka kao nacionalnog spomenika I kategorije. Osnovni cilj ove aktivnosti je je privođenje navedenog objekta

zadovoljstvo realizovanim aktivnostima i odato priznanje svim uključenim akterima za postignute rezultate. Posebno raduje činjenica da cjelokupna lokalna zajednica demonstrira bezrezervnu opredijeljenost da aktivno učestvuje u realizaciji ovog projekta.

STUDIJA ODVODNJE I PREČIŠĆAVANJA OTPADNIH VODA

U petak, 28. maja u kabinetu Općinskog načelnika potpisan ugovor: Studija odvodnje i prečišćavanja otpadnih voda. Ugovor su potpisali Faruk Šaleta, direktor Zavoda za vodoprivredu iz Sarajeva i Izudin Alić, direktor Komunalnog predu-




zeća RAD. Invenstor je Općina Tešanj koja će obezbijediti sredstva iz različitih izvora finansiranja.

Ova studija je od posebne važnosti, jer će nam ponuditi cjelovito rješenje zaštite okoliša, odvodnje i prečišćavanje otpadnih voda. Izradom ove studije stiču se uslovi za kvalitetno izvođenje radova što je naredna faza, kazao je Općinski načelnik Fuad Šišić. Zavod za vodoprivredu iz Sarajeva izabran je kao najpovoljniji ponuđač nakon provedene procedure javnog poziva. Cijena radova je 127.000 KM, a rok za izradu studije je 180 dana.

RADOVI NA STAROM GRADU - GRADINI

Nakon uspješne sezone na Starom gradu - Gradini u 2009. godini i ove godine se nastavlja sa aktivnostima na njenom uređenju - obogaćivanju sadržaja, sanaciji i promociji. Već sa prvim proljetnim danima urduženje Stari grad, kome je javnim pozivom Gradina dodijeljena na korištenje i održavanje, izvršilo je pripreme aktivnosti za doček ovogodišnje sezone.

To je podrazumijevalo košenje trave, uklanjanje izraslog korova, čišćenje Dizdareve kule, te uređenje pristupnog puta i unutrašnjih staza u donjem dijelu Tvrdave. Ove



godine udruženje Stari grad je angažovalo i profesionalnog turističkog vodiča koji vodi i narativno upoznaje posjetioce o historiji i arhitekturi stare tešanske Tvrdave.

Općina Tešanj sa Turističkom zajednicom ZDK, ured u Tešnju - poslala je turistički dopis prema 500 osnovnih i srednjih škola u BiH i turističkim operaterima u kojem je predstavljen turistički potencijal općine i Gradina kao centralna turistička atrakcija grada Tešnja.

Sredstvima kroz projekat "Unapređenje kulturnog razumijevanja", Tvrdava će sa novim sadržajem biti glavna turistička destinacija i mjesto glavnih kulturno-zabavnih manifestacija. Sredstvima iz projekta u kome i općina sudjeluje sa oko 20% sredstava obezbijeđeno je: rasvjeta i ozvučenje na bini, pokretne WC kabine, stolice za publiku, binokular, igralište za djecu, a postojeća bina sa 32 proširena je na 84 m². Pored spomenutog, u narednom periodu pristupit će se sanaciji prostora na drugom nivou Kapetanove kule u kojem je predviđena soba za garderobu i opremu. Projektom je, također predviđeno da se u ljetnoj sezoni na Tvrdavi ambijent uljepša raznim kulturnim manifestacijama. Pored kulturnih manifestacija, na platou Tvrdave u ljetnom periodu organizovat će se i slikarska kolonija koja ima za cilj afirmaciju mladih talentovanih slikara na području općine Tešanj.



Sredstvima koje je izdvojio Zavod za zaštitu spomenika trenutno se radi na sanaciji oštećenih zidova na gornjem dijelu Tvrdave čija je vrijednost oko 80.000 KM. Nakon što se sanacija zidina završi pristupit će se uređenju gornjeg dijela Kapetanove kule za potrebe Muzeja. Ministarstvo finansija ZDK izdvojilo je 18.000 KM za restauraciju gornjeg dijela Kapetanove kule u kojoj će biti smještena stalna arheološka izložbena postavka. Na ovaj način, pored Dizdareve kule koja ima multifunkcionalni karakter, Kapetanova kula sa arheološkom muzejskom postavkom će obogatiti cjelokupni ambijent sa još jednim vrijednim sadržajem.

Sve što se do sada uradilo je u funkciji očuvanja i promocije kulturno-historijskog blaga kojim općina Tešanj raspolaže. Cilj da tešanjaska Tvrdava postane centralna turistička ponuda općine Tešanj je uveliko ostvaren, a to



pokazuju svakodnevne posjete i pozitivni komentari posjetioaca zabilježeni u knjizi utisaka. Zato sa pravom možemo konstatovati da je tešanjaska Tvrdava dobila funkciju i sjaj kakav do sada u svojoj prošlosti nije imala čime spada u sami vrh najuređenijih tvrđava u BiH.

AKCIJA: ČIŠĆENJE KORITA RIJEKE TEŠANJKE

U okviru proljetnog čišćenja i uređenja grada, a u cilju dostizanja vizije općine - Tešanj, sredina ekološke svijesti, čistoće i reda 17. aprila provedena je akcija čišćenja korita rijeke Tešanjke na relaciji Tešanj-Tešanjka. U akciji su, osim predstavnika općinske administracije učestvovali privrednici, nevladine organizacije i građani.



"Cilj akcije je podizanje svijesti kod građana na jedan viši nivo, kako bi se smanjila potreba za ovakvim akcijama", kazao je Općinski načelnik Fuad Šišić. Organizator akcije Općina Tešanj je obezbjedila opremu



za učesnike i vreće, JP RAD odvoz i deponiju sakupljenog otpada, a privrednici hranu i osvježenje za sve učesnike. Inače, prošle godine u okviru ove akcije organizovano je čišćenje izletišta Kiseljak.

UREĐENJE GRADA SE NASTAVLJA

Nakon prošlogodišnjeg uređenja podzida koje su finansirali uglavnom privrednici i ovih je dana nastavljena sanacija preostalih podzida u gradu. Uređenje podzida (kamen) kod Centra za socijalni rad i Katoličke crkve donira firma "Hifa-oil".



Završeni su radovi i na izgradnji pješačke staze koja vodi stambenim blokovima u samom centru Tešnja. Akciju je pokrenuo naš sugrađanin Šefket Turalić, a općinska administracija je nakon provedenih potrebnih proceduralnih radnji, potpisala ugovor sa izvođačem radova. Građani su na adresu općinske administracije iznosili riječi pohvale i iskazali zadovoljstvo za uređenu stazu.

DJEČJA IGRAONICA NA GRADINI

U cilju obogaćivanja sadržaja na Starom gradu početkom maja su na prvoj tabiji i na gornjem dijelu Starog grada postavljene ljuljačke i klackalice za djecu.



S obzirom da je u maju i junu vrijeme školskih ekurzija i da Stari grad posjećuju mnoge škole iz raznih krajeva naše države, nabavka rekvizita za dječiju igraonicu (ljujačke, klackalice...) je upotpunila zabavni sadržaj na Gradini.

Nabavku rekvizita za dječiju igraonicu finansirala je Općina Tešanj.

juni/lipanj 2010.

AKTUELNO

AMBASADOR KRALJEVINE NORVEŠKE POSJETIO OPĆINU TEŠANJ

U radnu posjetu Tešnju 4. maja Općinski načelnik Fuad Šišić primio je njegovu ekselenciju Ambasadora Kraljevine Norveške u BiH Jana Braathu sa saradnicima. Sastanku su prisustvovali predsjedavajući Općinskog vijeća Vedran Kaser, direktor Agencije za razvoj Hilmo Perčo, te privrednici Kasim Kotorić, direktor "Pobjede" i Ibro Omerbašić, direktor firme "Tešanjski dijamant".

Nakon uvodnog sastanka i prezentacije potencijala općine Tešanj i predstavljanja Agencije za razvoj, de-



nji infrastrukture - zgrada Biblioteke u Tešnju. Prilikom ove posjete, delegacija Ambasade Kraljevine Norveške



legacije su razgovarale o mogućnostima privredne saradnje dvije zemlje, kao i mogućnostima podrške izgrad-

ke je u društvu predstavnika lokalne vlasti obišla Trg Gazi Ferhat-bega i Stari Grad u Tešnju.

OBILAZAK PRIVREDNIKA

U okviru posjete općini Tešanj, Ambasador Kraljevine Norveške u BiH Jan Braathu posjetio je i obišao firme



Pobjeda i Tešanjski dijamant. Kroz razgovor sa privrednicima, Ambasador je saznao šta je ono čime se ove firme ba-

ve i kako svoje proizvode plasiraju na tržište. Tokom posjete razgovarano je i o mogućnostima poslovne saradnje



dvije zemlje, a Ambasador je obećao sagledati mogućnosti plasiranja ovih proizvoda na norveško tržište.

6. SAJAM PRIVREDE BIZNIS 2010. TEŠANJ

U Sportsko-rekreativnom centru u Tešnju svečanim presijecanjem vrpce 22. aprila otvoren je 6. Sajam privrede Biznis 2010. Tešanj.

Sajam su otvorili premijer ZDK Miralem Galijašević i Općinski načelnik Fuad Šišić. U svom obraćanju Općinski načelnik je posebno naglasio visok stepen znanja i vještina, te inovativnost i poduzetnost tešanjskih privrednika kao važan preduslov za pozicioniranje na tržištu.

Na 6. Sajmu privrede Biznis 2010. izlaže 113 domaćih izlagača i devet firmi sa inostranim kapitalom. Predstavnici Općine Tešanj ove godine su na Sajmu privrede za sve posjetitelje i građane prezentirali nove usluge koje pruža općinska administracija - Call centar 72, provjera statusa predmeta putem SMS-a što je prvi korak ka elektronskoj upravi. "Cilj ovog Sajma u budućnosti je postizanje prvo balkanskog, a onda i evropskog značaja", kazao je predsjednik Udruženja privrednika Izudin Turkeš.



Sajam privrede je trajao do 25. aprila 2010. godine. U okviru 6. Sajma privrede Biznis 2010. Tešanj održan je Okrugli sto na kojem su učestvovali privrednici sa područja općine Tešanj. Sastanku su prisustvovali, ispred Vlade ZDK ministri Mirsad Šaranović i Fahrudin Omerhodžić, ispred Općine Tešanj predsjedavajući Općinskog vijeća Vedran Kaser i Općinski načelnik Fuad Šišić, predsjednik Privredne komore ZDK Šefkija Botonjić.

PRVA GRUPA VOLONTERA ZAVRŠILA SA RADOM U OPĆINI

Općinski načelnik Fuad Šišić održao je sastanak sa prvom grupom pravnika-volontera koji su svoj rad započeli 01.06.2009. godine. Pet di-

plomiranih pravica je iskazalo svoje zadovoljstvo jer su imale priliku ispuniti zakonom predviđenu obavezu pripravničkog rada. Iako samo uz naknadu za topli obrok i prijevoz, to nije predstavljalo smetnju da daju svoj doprinos radu općinske administracije, ali i savladaju prve konkretne postupke pružanja usluga koje općinska administracija ima u svojoj nadležnosti.

Općinski načelnik je zahvalio pravnicima na njihovom doprinosu, posvećenosti poslu i izrazio žaljenje što će ipak morati sačekati na priliku za trajno upošljavanje. Općina Tešanj će i ubuduće davati priliku mladima na isti način, a angažovanje naredne grupe prema evidenciji Biroa za zapošljavanje u Tešnju se može očekivati početkom juna.



UREĐENJE ŠUMSKE STAZE NA IZLETIŠTU KISELJAK

Predstavnici Odreda izviđača Crni vrh u saradnji sa Općinom Tešanj proveli su akciju uređenja šetališta - šumske staze na Kiseljaku. Radi se o realizaciji projekta iz Strategije za dostizanje vizije: Tešanj, sredina ekološke



svijesti, čistoće i reda - Izgradnja šumskih staza. U okviru realizacije ovog cilja, prošle godine je izgrađena staza u Mrkotiću. Ovo je izuzetno lijepa staza na atraktivnoj lokaciji koja će posebno koristiti građanima općine Tešanj, ali i turistima, kazao je Općinski načelnik, koji je sa svojim saradnicima obišao stazu. Inače, na uređenju ove staze učestvovalo je oko 170 članova Odreda izviđača iz svih škola sa područja općine Tešanj.

IZLOŽBA SLIKA MLADIH UMJETNIKA OPĆINE TEŠANJ

Građani Tešnja sa oduševljenjem su prihvatili novu aktivnost Omladinskog kulturnog centra Tešanj.

25. maja 2010. godine Omladinski kulturni centar je organizovao izložbu slika mladih umjetnika općine Tešanj u parku preko puta zgrade Općine.

Na izložbi slika svoj rad su predstavili:

Safer Grbić, potpredsjednik OKC-a

Melina Ogrić,

Aldijana Kašibović,

i Admira Šljavić koja je svojim performansom likovne umjetnosti oduševila posjetioce ovoga događaja.



Najzanimljivije je to da mladi tešanjski umjetnici neće stati samo na ovoj izložbi slika, nego će posjetiti i ostale gradove u regionu kako bi pokazali na koji se način može provesti slobodno vrijeme.

juni/lipanj 2010.

IZ SLUŽBE CIVILNE ZAŠTITE

NABAVLJENO VATROGASNO VOZILO

U skladu sa Programom razvoja sistema zaštite i spašavanja 2007-2011. godina, Općina Tešanj je u svrhu provođenja mjera zaštite od požara nabavila vatrogasno vozilo



za potrebe Profesionalne vatrogasne jedinice.

Radi se o rabljenom kombi-va-nonavalnom vozilu marke Mercedes čije karakteristike i mogućnosti u potpunosti zadovoljavaju potrebe Profesionalne vatrogasne jedinice u provođenju mjera zaštite od požara.

Ovo vozilo će znatno povećati spremnost tešanjskih vatrogasaca u provođenju mjera zaštite od požara, s obzirom na postojeće stanje vozila.

Projekat je financiran iz sredstava posebnog poreza za zaštitu od prirodnih i drugih nesreća i Fonda za vatrogastvo.

OBUČAVANJE ORGANIZIRANIH SNAGA CIVILNE ZAŠTITE

U cilju provođenja aktivnosti na organiziranju specijalizovane jedinice civilne zaštite za zaštitu od požara u okviru sistema zaštite i spašavanja općine Tešanj, a u skladu sa Planom i Programom obuke vatrogasaca Profesionalne vatrogasne jedinice Tešanj za 2010. godinu, redovno se održavaju zajedničke vježbe sa pripadnicima dobrovoljnih vatrogasnih jedinica Dobrovoljnog vatrogasnog društva Jelah i Dobrovoljnog vatrogasnog društva "Tešanj 1905".



Cilj ovih vježbi je kontinuirano obučavanje i osposobljavanje vatrogasaca za sve vidove djelovanja sa akcentom na zajednički rad i saradnju u okviru specijalizovane jedinice za zaštitu od požara i drugih nesreća na području općine.

Ovo je prilika i da se ocjeni spremnost specijalizovane jedinice civilne zaštite kroz ljudske i materijalne resurse i da se analizira spremnost za provođenje mjera zaštite i spašavanja od požara.

Vježbe se planiraju i u narednom periodu kroz planske aktivnosti.

AKTIVNOSTI NA ORGANIZACIJI SISTEMA ZAŠTITE I SPAŠAVANJA

U cilju provođenja planskih aktivnosti utvrđenih u Programu razvoja sistema zaštite i spašavanja Općine Tešanj 2007-2011. godina, Služba civilne zaštite već duži period provodi aktivnosti na organizaciji sistema zaštite i spašavanja na području naše Općine u skladu sa Zakonom o zaštiti i spašavanju ljudi i materijalnih dobara od prirodnih i drugih nesreća i podzakonskim aktima.

U tom pravcu doneseno je nekoliko ključnih odluka koje tretiraju organizaciju zaštite i spašavanja na području općine:

- Odluka o organiziranju i funkcioniranju zaštite i spašavanja od prirodnih i drugih nesreća na području općine Tešanj;

- Odluka o organizovanju službi zaštite i spašavanja na području općine Tešanj;



- Odluka o formiranju i organizovanju specijalizovanih jedinica civilne zaštite općine Tešanj i

- Odluka o formiranju i organizovanju jedinica civilne zaštite opće namjene općine Tešanj.


Većina ovih odluka odnosi se na organizirane strukture civilne zaštite općine Tešanj i imaju za cilj stvaranje manjeg, ali efikasnog sistema koji će biti nosilac zaštite i spašavanja na području naše općine.

Dalje aktivnosti na izgradnji sistema zaštite i spašavanja su usmjerene ka potpisivanju ugovora sa pravnim licima u kojima se formiraju službe zaštite i spašavanja, kao i popuni i opremanju jedinica, štabova i povjerenika civilne zaštite.

Posebna aktivnost se vodi na pripremama za uvođenje evropskog broja za brzo pozivanje "112" u operativnom centru civilne zaštite u saradnji sa Kantonalnom i Federalnom upravom civilne zaštite.

IZ KLIMATOLOŠKE ANALIZE ZA 2009. GODINU

Najniža izmjerena temperatura zraka u 2009. godini iznosi:	-17°C (9. januar)
Najviša izmjerena temperatura zraka u 2009. godini iznosi:	36°C (24. juli i 2. avgust)
Prosječna temperatura zraka za 2009. godinu iznosi:	13,04°C
Ukupna količina padavina za 2009. godine iznosi:	1162,2 l/m2
Broj pretežno vedrih i sunčanih dana u 2009. god.:	108
Broj pretežno oblačnih i oblačnih dana u 2009. god.:	129
Broj kišnih dana u 2009. godini:	102
Broj snježnih dana u 2009. godini:	26



PREGLED KLIZIŠTA NA PODRUČJU OPĆINE juni/lipanj 2010.

Red.	Mjesto klizišta/odrona	Ugrožava	Aktivno/ne	Površina	Opis	Datum prijave	Slika
1.	Trepče (kod kuće Fahre Kadušića)	Infrastrukturu	Aktivno	cca 300 m ²	Došlo do aktiviranja klizišta na lokalnom asfaltnom putu u Trepču, ugrožen put. Preduzete mjere zatvaranja puta. Zbog aktivnosti klizišta potkopalo dionicu puta širine oko 15 metara. Služba CZ obišla klizište.	01.06.2010.	
2.	Šije (parcela Sejdinović Rifata)	Objekat	Aktivno	cca 500 m ²	Ugrožava stambeni objekat ispod klizišta. Angažovana mašina (rovokopač) preduzeća FOMS Šije na osiguranju objekta. Služba civilne zaštite obišla klizište.	02.06.2010.	
3.	Šije (Krčovi-pored puta Medakovo-Šije)	Poljoprivredno zemljište	Aktivno	cca 3000 m ²	Klizište ugrožava put Medakovo-Šije. Služba CZ obišla klizište	02.06.2010.	
4.	Mrkotić (put ispod džamije)	Infrastrukturu	Aktivno	cca 400 m ²	Asfalt potkopan u širini od 1-1,5 metar i u dužini od 5-7 metara, komunikacija ovom dionicom u potpunosti neprohodna. Put je trenutno zatvoren za saobraćaj zbog pucanja asfaltna mase. Služba CZ obišla klizište.	02.06.2010.	
5.	Mrkotić (put od džamije 200 m)	Infrastrukturu	Aktivno	cca 300 m ²	Put zatvoren za saobraćaj za podružnicu Kadrići. Služba CZ obišla klizište.	02.06.2010.	
6.	Mrkotić (pored doma 200 m)	Poljoprivredno zemljište	Aktivno	cca 300 m ²	Klizište ne ugrožava objekte niti infrastrukturu. Služba CZ obišla klizište.	02.06.2010.	
7.	Novo Selo (Dubalj-ispod kuće Šišić Halila)	Pomoćni objekat	Aktivno	cca 300 m ²	Klizište ugrožava pomoćni objekat i 2 stambena objekta. Data preporuka za izmještanje krave iz pomoćnog objekta. Služba CZ obišla klizište.	02.06.2010.	
8.	Trepče (kod kuće Hodžić Huse)	Objekat	Aktivno	cca 200 m ²	Pukotine zemljišta oko kuće	02.06.2010.	Bez slike
9.	Cerovac (na asfaltnom putu)	Infrastrukturu	Aktivno	cca 200 m ²	Propao asfalt. Propusti od vodovodne infrastrukture popucali. Sanaciju vršilo komunalno preduzeće. Služba CZ obišla klizište.	02.06.2010.	
10.	Mekiš (pored regionalnog puta)	Infrastrukturu	Aktivno	150 m ²	Došlo do odrona na regionalnom putu RF-474 Prnjavor – Novi Šeher u mjestu Mekiš. Oštećenje regionalnog puta. Služba CZ obišla odron.	01.06.2010.	
11.	Orašje Planje (kod stare džamije)	Infrastrukturu	Aktivno	300 m ²	Klizište odsjeklo dio asfaltnog parkinga. Služba CZ obišla klizište.	04.06.2010.	Bez slike
12.	Orašje Planje (kod puta za bazene)	Objekat	Aktivno	150 m ²	Zemljište oko stambenog objekta u rasjedanju. Objekat zbog klizanja zemljišta pucao još ranije. Nastavljeno pucanje objekta. Služba civilne zaštite obišla klizište.	04.06.2010.	
13.	Jablanica (kuća Torić Ibrahim)	Objekat	Aktivno	300 m ²	Slijeganje tla. Ugrožen stambeni objekat. Porodica izmještena iz objekta sa pokušvom. Komisija izlazila na lice mjesta. Preduzete mjere: odsječen aneks u vidu terase u cilju rasterećenja. Služba CZ obišla klizište nekoliko puta.	05.06.2010.	
14.	Tešanj-Guvna (Saračević Fatima)	Objekat	Aktivno	100 m ²	Kamena podzida pala do stambenog objekta. Nije izvršen obilazak.	04.06.2010.	Bez slike
15.	Piljužići -(zemljište)	Infrastrukturu	Aktivno	200 m ²	Pokidalo telefonske linije i zahvatilo lokalni put širine 1 metar i tendencija je daljeg klizanja na putnu komunikaciju.	03.06.2010.	



TEŠANJ
SERVIS CENTAR
Call Centar 72


032 650 800

call.centar@opcina-tesanj.ba

**Vidite li ono što ne bi voljeli -
prijavite!**

**Doživjeli ste ono što ne bi trebali -
prijavite!**

Pitajte, odgovorićemo!

Budite ispravno informisani!

Pomozite sebi!

**Vidjeli ste bacanje smeća, dali ste
nekome u džep: ljekaru, policajcu,
službeniku –
prijavite!**

**Vaše ime će ostati anonimno
nakon prijave, i neće se koristiti
bez Vaše dozvole.**

Općina Tešanj

- na svaki poziv ili mail odgovoriti u roku od max. 72 sata
- odgovor podrazumijeva rješenje ili termin do kada će biti riješen
- analiza funkcionisanja kvartalno

**CALL CENTAR
SISTEM 72**

- tel. 032 650 800
- mail: call.centar@opcina-tesanj.ba

